



**JAVNI POZIV
ZA PRIKUPLJANJE PONUDA ZA IZBOR
NAJPOVOLJNIJEG PONUĐAČA – KONCESIONARA
ZA DODJELU KONCESIJE ZA ISTRAŽIVANJE I EKSPLOATACIJU MINERALNOG
RESURSA-KREČNJAKA NA LOKALITETU “CRKVICE-KAMENOLOM”, OPĆINA ZENICA**

Zenica, septembar 2014. godine

Na osnovu člana 5., 6. i 7. Zakona o koncesijama-Prečišćeni tekst ("Službene novine Zeničko-dobojskog kantona", broj: 5/03), Zaključka Vijeća općine Zenica, broj: 01-01-2950/14 od 25.02.2014. godine i Odluke Vlade Zeničko-dobojskog kantona o davanju saglasnosti i uslovima za provođenje postupka dodjele koncesije na istraživanje i eksploataciju mineralnog resursa-krečnjaka na lokalitetu "Crkvice-Kamenolom", u općini Zenica, broj: 02-18-16172/14 od 14.08.2014. godine, Ministarstvo za privredu, raspisuje

**JAVNI POZIV
ZA PRIKUPLJANJE PONUDA ZA IZBOR NAJPOVOLJNIJEG
PONUĐAČA – KONCESIONARA ZA DODJELU KONCESIJE ZA ISTRAŽIVANJE I EKSPLOATACIJU
NEMETALIČNOG MINERALNOG RESURSA-KREČNJAKA NA LOKALITETU
"CRKVICE – KAMENOLOM" U OPĆINI ZENICA**

1. PREDMET KONCESIJE

Predmet koncesije je istraživanje i eksploatacija nemetaličnog mineralnog resursa-krečnjaka, na lokalitetu "Crkvice-Kamenolom" u općini Zenica.

Istražno-eksploatacioni prostor ležišta je ograničen graničnim linijama sa prijelomnim tačkama kako slijedi:

Tačka 1	Y= 6 495 454,06	X= 4 896 720,26
Tačka 2	Y= 6 495 408,85	X= 4 896 847,46
Tačka 3	Y= 6 495 279,58	X= 4 896 785,47
Tačka 4	Y= 6 495 310,86	X= 4 896 725,40
Tačka 5	Y= 6 495 292,70	X= 4 896 625,22
Tačka 1	Y= 6 495 454,06	X= 4 896 720,26

Ovaj lokalitet se nalazi na k.č.1337 i pripada k.o. Crkvice, općina Zenica. Ukupna površina istražnoeksploatacionog prostora na lokalitetu „Crkvice-Kamenolom“, omeđena prelomnim tačkama 1-5, je 2 ha, 6 ari i 26 m².

2. OPIS PROJEKTA

Projekat obuhvata istraživanje i eksploataciju mineralnog resursa - krečnjaka na lokalitetu opisanom u tački 1. Javnog poziva Prema procjenama na predmetnom lokalitetu postoji ležište krečnjaka od cca 1.000.000 m³ krečnjaka, sa mogućom godišnjom proizvodnjom od cca 50.000 m³, te mogućnošću eksploatacije od cca 20 godina. U navedene podatke ne ulazi mogućnost „zarobljavanja“ jalovinskih dijelova unutar monolitnog stijenskog sedimenta, koje je moguće izbjeći mrežom bušotina koje će se raditi nakon dodjele koncesije na istraživanje i eksploataciju.

3. SPISAK POTREBNIH DOKUMENATA ZA ISPUNJAVANJE KRITERIJA ZA IZBOR NAJPOVOLJNIJEG PONUĐAČA

OPĆI ELIMINATORNI USLOVI

Opći eliminatorni ulovi za izbor najpovoljnije ponude za dodjelu koncesije za istraživanje i eksploataciju krečnjaka na predmetnom lokalitetu su:

- a) Dokaz o riješenim imovinsko - pravnim odnosima (dozvola za promjenu namjene šumskog zemljišta u građevinsko – rješenje koje donosi Federalno ministarstvo poljoprivrede, vodoprivrede i šumarstva), dostavlja ga izabrani najpovoljniji ponuđač;
- b) Dokaz o uspješnom poslovanju ponuđača u posljednje tri poslovne godine (Bilans stanja i Bilans uspjeha) sa prosječnim minimalnim prihodom većim od vrijednosti trogodišnje minimalne realizacije predmeta koncesije;
- c) Dokaz o izmirenim indirektnim porezima, ne stariji od 60 dana računajući od dana prijave na Javni poziv;

- d) Rješenje o registraciji privrednog subjekta na sudu, sa registrovanom rudarskom djelatnošću;
- e) Dokaz o izmirenim javnim prihodima, ne stariji od 60 dana računajući od dana prijave na Javni poziv;
- f) Bezuvjetna garancija banke sa trajanjem od 30 dana od raspisivanja Javnog poziva na iznos vrijednosti minimalne dvogodišnje eksploatacije krečnjaka prema ponuđenoj cijeni koncesione naknade;
- g) Studije o ekonomskoj opravdanosti dodjele koncesije na istraživanje i eksploataciju krečnjaka na lokalitetu „Crkvice-Kamenolom“ kod Zenice, čiji sadržaj će se precizirati tenderskim uslovima.
- h) Ovjerena izjava ponuđača da pod krivičnom i materijalnom odgovornošću neosporno prihvata sve uslove iz Saglasnosti Vijeća općine Zenica;
- i) Ovjerena izjava ponuđača da se pod krivičnom i materijalnom odgovornošću obavezuje omogućiti realizaciju svih projekata od općeg interesa za koje Vijeće općine Zenica iskaže interes, a da nije u koliziji sa ovim Projektom;

POSEBNI USLOVI

Ponuđači su dužni ponuditi nedvosmislene iznose prema sljedećim elementima:

- (a) Kontinuirana koncesiona naknada:
Ponuda sa najvišim iznosom boduje se sa 45 bodova.
Minimalni iznos koncesione naknade je $0,81 \text{ KM/m}^3$ čvrste mase.
- (b) Jednokratna koncesiona naknada:
Jednokratna koncesiona naknada po metru kvadratnom istražno-eksploatacionog prostora.
Ponuda sa najvišim iznosom boduje se sa 10 bodova.
Minimalni iznos ove naknade je $1,00 \text{ KM po m}^2$ istražno-eksploatacionog prostora na koji se daje koncesija;
- (c) Minimalna godišnja obavezujuća realizacija predmeta koncesije:
Ponuda sa najvišim iznosom realizacije jedinice mjere predmeta koncesije u toku kalendarske godine boduje se sa 20 bodova.
Minimalna godišnja realizacija predmeta koncesije je 40.000 m^3 čvrste mase;
- (d) Dozvola za eksploataciju čvrstih mineralnih resursa se boduje sa 15 bodova;
- (e) Poslovni rezultat iz predhodnog perioda, boduje se sa 10 bodova;

Napomena: Minimalni zbir bodova najpovoljnijeg ponuđača ne može biti manji od 70% maksimalnog broja bodova u skladu sa članom 2. Pravila o postupku dodjele koncesija ("Službene novine Federacije BiH", broj:68/06).

Distribucija bodova vršit će se prema proporcionalnom principu.

4. PRAVO UČEŠĆA

Pravo učešća na ovom javnom pozivu imaju domaća i strana pravna lica koja su registrirala firmu u Bosni i Hercegovini i imaju registrovanu djelatnost iz područja rudarstva.

5. VRIJEME TRAJANJA KONCESIJE

Ukupno vrijeme trajanja koncesije na istraživanje i eksploataciju je 20 godina, računajući od dana potpisivanja koncesionog ugovora, u skladu sa Zakonom o geološkim istraživanjima Zeničko-dobojskog

kantona. Vlada Zeničko-dobojskog kantona vrijeme koncesije na eksploatacije može produžiti još za polovinu vremena na koje je data koncesija, bez objavljivanja novog javnog poziva.

6. PREUZIMANJE TENDERSKE DOKUMENTACIJE

Tenderska dokumentacija se može preuzeti svakim danom od 9:00 do 15:00 sati u Ministarstvu za privredu Zeničko-dobojskog kantona.

Preuzimanje dokumentacije vrši se uz prezentiranje dokaza o uplati naknade za učešće u Javnom pozivu u iznosu od 500,00 KM, bez povrata, koju je ponuđač dužan uplatiti na račun Zeničko-dobojskog kantona, broj: 1340100000001672, vrsta prihoda 722631, budžetska organizacija 1801001, kod IKB-Zenica.

7. ROK ZA DOSTAVLJANJE PONUDA

Javni poziv je otvoren 30 dana od dana objavljivanja u dnevnom listu „Oslobođenje“.

Ponude trebaju biti zaprimljene na Protokolu Vlade Kantona najkasnije do 16,00 sati 30.-og dana od dana objavljivanja u dnevnom listu „Oslobođenje“, a javno otvaranje ponuda održat će se narednog dana od dana zatvaranja Javnog poziva sa početkom u 10,00 sati, u sali: 301, ul. Kučukovići br. 2. Zenica.

Javnom otvaranju ponuda mogu prisustvovati ponuđači ili njihovi predstavnici uz predočenu punomoć.

Ponude podnesene poslije ovog roka neće biti razmotrane i vratit će se ponuđaču neotpackovane.

Strani ponuđači dužni su ponudu dostaviti na jednom od službenih jezika u Bosni i Hercegovini.

Zapečaćene ponude dostavljaju se na adresu:

ZENIČKO-DOBOJSKI KANTON
MINISTARSTVO ZA PRIVREDU

Komisija za koncesije

NE OTVARATI!

ul. Kučukovići br. 2

Zenica

Sve dodatne informacije mogu se dobiti u Ministarstvu za privredu, telefoni: 460-720, 460-721, 460-724; fax: 460-722, E-mail: min.privrede@zdk.ba; veb stranici: www.zdk.ba.